



NATIONAL SENIOR CERTIFICATE EXAMINATION
NOVEMBER 2018

ISIZULU ULIMI LWASEKHAYA: IPHEPHA II
ISIZULU HOME LANGUAGE: PAPER II

Isikhathi: Amahora ama-3

Amamaki ayi-100

QAPHELA LOKHU OKULANDELAYO

1. Leli phepha linamakhasi ayi-6. Qiniseka ukuthi nelakho liphelele.
 2. Qala isiqephu nesiqephu ekhasini elisha. Ungaqala nganoma yisiphi isiqephu kodwa kufanele imibuzo yeziqephu ungayixovi.
 3. Bhala izinombolo zemibuzo zihambisane nezisephepheni lokuhlolwa.
 4. Fundisisa imibuzo ngaphambi kokuphendula.
 5. Bhala ngesandla esifundekayo, uhlele ngobunono umsebenzi wakho.
-

ISIQEPHU A IMIBHALO**UMBUZO 1****Phendula Umbuzo 1.1 NOMA Umbuzo 1.2.****ESITHANGAMINI SEZETHAMELI: P. B. Maphumulo no A. M. Maphumulo****QAPHELA: Phendula umbuzo OWODWA kwelandelayo.**

Bhala **i-eseyi** ezoba izigaba ezine kuya kwezinhlanu amagama abe phakathi kwangama **300–350**.

Nakhu okubalulekile ukuze uthole umklomelo omuhle:

- Hlela i-eseyi njengoba uyaleliwe.
- Sebenzisa ulimi oluhle nolunothile.
- Ipendulo yakho ayikhombise ulwazi olunzulu lwendaba.
- Ipendulo yakho ayibhalwe ngesiZulu esihle.

- 1.1 Funda ingxoxo ecashuniwe emdlalweni othi **Kuyangima-ke Lokhu** bese uphendula umbuzo olandelayo.

Ilizwi: Asingabe sisaloku silanda izindaba eziningi. Mangiyolilanda leli khehla. Ukhulume nalo umlomo nomlomo uzincengele kulo wena luqobo. Kodwa mina ngithi, (*usho ngokunensa*) khumbula umzekeliso wesicebi noLazaru.

[ikhasi 104]

Bhala i-eseyi engaba ngamazwi kaMaZitha emuva kokuba selifikile ikhehla licela incazelo ngendlela uMaZitha aliphatha ngayo lingenise emzini wakhe ngenxa yezulu.

Phakathi kokunye ungabhekisa kulokhu:

- UMdlinzo (ikhehla) noMgcineni.
- UMaZitha ungumuntu onjani.
- Amazwi okuxolisa.

[30]**NOMA**

- 1.2 Funda ingxoxo ecashuniwe emdlalweni othi **Lake Lazikhotha Emhlane?** bese uphendula umbuzo olandelayo.

MAZUCULA: *(ulokhu ejeqeza esihlalweni esingemuva, ngesankahlu)* Kanti ngangitheni kuwe Zethu?

UMSESHI: *(ngokufutheka)* Hheyi! Hlala ubheke phambili wena uvale le mbotshana yakho engezansi kwekhala. Akukho muntu lapha ozomkhulumisa ngaphandle kwemvume yethu.

*Sibona imoto enosiba igijima ize iyosondela ezitokisini.
Kuvuleka izicabha, bayehla. Ziyavaleka.*

UMSESHI: *(uhleka sengathi akathandi)* Ha-Ha-Ha! Lake lazikhoth' emhlane?

[ikhasi 33]

Bhala **i-eseyi** uveze ukuthi kungani umbhali enike le ndaba lesi sihloko.

Impendulo yakho ayibhekise kulokhu:

- Isihloko sichazani futhi sibhalelweni njengombuzo.
- Ubuqili obenziwa ngabalingiswa abathintekayo.
- Babanjwe kanjani kule ndaba.

[30]

AMAGEMFE: M. Hlengwa, L. Mathenjwa, T. Qwabe

Phendula Umbuzo 2 NOMA Umbuzo 3.


Khetha umbuzo OWODWA ubhale **i-eseyi** ezoba phakathi kwamagama angama-**250 kuya kwangama-300**. Impendulo ayihlelwe ibe yizigaba ezine kuya kwezinhlanu.

QAPHELA:

- Hlela i-eseyi njengoba uyaleliwe.
- Sebenzisa ulimi oluhle nolunothile.
- Impendulo yakho ayikhombise ulwazi olunzulu lwendaba.
- Impendulo yakho ayibhalwe ngesiZulu esihle.

UMBUZO 2

Funda isiqephu esicashunwe endabeni **Inhliziyo Yomthakathi** ukuze ukwazi ukuphendula umbuzo ongezansi.



"Azikho Baba izithukuthuku eziwela phansi kungezona ezenja. Sesilijulukele leli bandla. Kwakumele asibonelele umbhishobhi."

"Mana lapho MaRadebe. Kanti uqondeni ngempela?"

"Ngithi angimfuni uMfundisi Mathonsi. Alimdingi ibandla lalapha. Akaphume aphele ebandleni laseNgwavuma."

Akhuze ababaze uMnguni. Akayikholwa indlebe yakhe ukuthi izwa kahle. Athi akakhuze nakhu kungathi kuyonakala.

[ikhasi 39]

Izenzo zikaMaRadebe zibonisa inzondo, ukunganeliseki, inhliziyo embi nomona.

Bhala i-eseyi ukhombise ukuthi izenzo zikaMaRadebe ziyithuthukisa kanjani indaba ize ifike **kuvuthondaba**.

Impendulo yakho ayibhekise kulokhu:

- Abalingiswa abathintekayo.
- Izizathu eziholela kule nzondo nomona.
- Izenzo ezibonisa umona nenzondo.
- Uvuthondaba kule ndaba.

[30]

NOMA

UMBUZO 3

Bhekisisa **izithombe A no B** ezihambisana nezindaba **Ukhule Ukhokhobe** nethi **Yamukela Lokho Okuphiwe** ukuze ukwazi ukuphendula umbuzo ongezansi.

Isithombe A**Isithombe B**

Endabeni **Ukhule Ukhokhobe** nasendabeni **Yamukela Lokho Okuphiwe** uMsizi noManyane banokuthile **okufanayo** ngendlela abalwa ngayo ukuphumelelisa injabulo nezinhloso zemindeni yabo, indaba isuka ekuqaleni ize ifike kuvuthondaba.

Bhala i-eseyi uqhathanise ukuthi **uMsizi noManyane** bakwenza kanjani lokhu.

Impendulo yakho ayibhekise kulokhu:

- Bangabantu abanjani oMsizi noManyane.
- Izingqinamba nemizamo yabo.
- Izenzo zabo eziholela kuvuthondaba.

[30]

| |
|--------------------------|
| Amamaki angama-60 |
|--------------------------|

ISIQEPHU B UKUBHALELA IZIMO EZITHILE

Uzothola imiklomelo emihle uma ulandela imigomo:

- Isakhiwo esihle sombhalo.
- Ulimi oluhle nolunotho ngezimo zokukhuluma.
- Ingqikithi ekhombisa ulwazi lombhalo nokuziqambela.
- Irejista, ithoni nesitayela okufanele.

UMBUZO 4

Bhala ngamagama ayi-150 kuya kwayi-180.

Umzala wakho uwine imali eyisigidi ngesonto elidlule emuva kokudlala iLotto.

Mbhalele incwadi umhalalisele bese umxwayisa ngezinkinga angase ahlangebezane nazo njengoba esedla izambane likapondo nje.

[20]

UMBUZO 5

Bhala ngamagama ayi-150 kuya kwayi-180.

Kushone umuntu obese kusele isonto elilodwa nishade naye.

Umndeni wakhe ucele wena ukuba ubhale **umlando kamufi** njengoba bese nisondelene kakhulu.

[20]

| |
|--------------------------|
| Amamaki angama-40 |
|--------------------------|

Amamaki esewonke ayi-100